

Treskokurs på Sletteskog



KURSDELTAKARANE: Framme f.v.: Oddvar Meland, Tore Økland, Olav Økland, Ove Fadnes. Bak f.v. Mikal Heldal og kursleiar Helge Hisdal.

**Tysnes sogelag er
oppsteken av å ta
vare på den gamle
handverkstradisjonen
treskolaging. No blir
det kurs.**

Fredag 11. og laurdag 12. september vart det avvikla treskokurs i den gamle båtbyggjarverkstaden ved Sletteskogssjøen. Tysnes Sogelag med leiar Mikal Heldal tok initiativ til kurset, som er støtta av kulturavdelinga i Hordaland fylke.

– Det er viktig å ta vare på dei gamle handverkstradisjonane fordi dei bokstavleg talt er i ferd med å døy ut, fortel Mikal. – Både Hordaland Sogelag og me i Tysnes Sogelag synest det er viktig med opplæring og hausta kunnskap frå dei få lærarkreftene som enno finst. Treskokurs var innslag på Tre-

seminaret på Dovre tidlegare i år, og blir no eit fast tilbod kvart år til interesserte som vil læra handverket.

På mange gardar

I gamle dagar var det treskoproduksjon på mange gardar på Tysnes. Ofte hjå dei gardbrukarane som hadde smie på garden, for dei kunne laga det spesielle treskoverktøyet som trengst, eit verktøy som ofte gjekk i arv. Slike verktøy finst sikkert bortgøymt i løa eller verkstaden mange stadar på Tysnes og er absolutt verdt å ta vare på.

Hans Andersen Våge (1746 -

1818) som budde i Våge var den fyrste i Tysnes-sokna som tok til å laga tresko. Det var kring 1797. I 1803 fekk han premie, 3 riksdalar, av «Det nyttige Selskab i Bergen». Gjennom sumarhalvåret i 1802 laga han til saman 83 par tresko.

Under siste verdskrigen vart det også fart i treskoproduksjonen. Ole Johnson Vevatne (1886 - 1955) var ein kløppar til å laga tresko, sju-åtte par pr. dag, men klarte likevel ikkje å stetta etterspurnaden. Sist på 1950-talet var det nesten slutt med å gå i tresko, men bladfyken som er født få år etter krigen, kan hugsa at det stod

tresko i bislaget heime i huset vårt på Bøe i Os, slik at det var kjapt å få på seg fottøyet når du måtte ein tur på utedoen eller i skykkja for å henta ved.

Svart older til emne

Svartolder vert mykje nytta som treskoemne. Det er viktig å kløyva stokkane på riktig måte slik at ein unngår at treskoa sprekk på langs når dei turkar.

På Tysnes har det vore godt med svartolder, og i gamle dagar var det ein betydeleg eksport over Bjørnafjorden til Os der det var omfattande treskoproduksjon. I 1880 og